

**Uunga siunnersuut: Erngup nukingata innaallagissionermut atorneqartarnera pillugu
Inatsisartut inatsisaat nr. x, x. [qaammat] 2014-imeersoq**

pillugu

Inuussutissarsiornermut Ataatsimiititaliap

ILASSUTITUT ISUMALIUTISSIISSUTAA

Siunnersuutip pingajussaaneerpeqarnerani saqqummiunneqartoq

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Knud Kristiansen	(A)	siulittaasoq
Inatsisartunut ilaasortaq Ruth Heilmann	(S)	siulittaasup tullia
Inatsisartunut ilaasortaq Andreas Uldum	(D)	
Inatsisartunut ilaasortaq Aqqaluaq B. Egede	(IA)	
Inatsisartunut ilaasortaq Karl Kristian Kruse	(S)	sinniisoq

1. Inuussutissarsiornermut Ataatsimiititaliamut nutaamik innersuunneqaqqinneranut tunuliaqutaasoq

Inatsisissatut siunnersuut ulloq 28. maj 2014-imi Inatsisartunit aappassaaneerpeqarpoq, tamatumani Naalakkersuisunit allannguutissatut siunnersuut aammalu Inuussutissarsiornermut Ataatsimiititaliap isumaliutissiissutaa tunngavigalugu Naalakkersuisut allannguutissatut siunnersuutaat akuerineqarlutik.

Akuersinerup tamatuma kingorna ingerlatseqatigiiffinnut akileraarummik akiliuteqartitsinnginnissamut periarfissat pillugit Naalakkersuisut allannguutissatut siunnersuutaata aningaasaqarnikkut kingunerisassai pillugit paasissutissanik allanik pissarsiniarnissaq siunertaralugu siunnersuut Inuussutissarsiornermut Ataatsimiititaliami nutaamik suliarineqartussatut Inatsisartut innersuutigeqqippaat, tassa Naalakkersuisut allannguutissatut siunnersuutaat Inatsisartut siunnersuummik suliarinninnissaat piliivissorlu aatsaat nassiunneqarsimammat.

2. Pinngortitamut Avatangiisinullu Naalakkersuisup apersorneqarnera

Ataatsimiititaliap Naalakkersuisoq ulloq 31. maj apersorpaa, tamatumani erngup nukinganik suliniutit eqqarsaatigalugit akileraartitsinissamut immikkut periusissaq pillugu pissutsit, tassunga ilanngullugit akileraarutininik akiliinissamut taarsiullugu akiliutigineqartussamik aalajangersaasoqarneratigut akileraaruteqannginnissamut periarfissat nassuiaatigineqarlutik. Naalakkersuisup ataatsimiititaliap apequtaanut akissutai ilassutitut isumaliutissiissummut matumunnga **ilanngussatut** ilanngunneqarput.

3. Ataatsimiititaliap siunnersuummik suliarinninnera

Naalakkersuisup nassuiaataa ataatsimiititaliamit tusaatissatut tiguneqarpoq aammalu isumaqarluni inatsisissatut siunnersuutip aappassaaneernejarnissaanut ataatsimiititaliap isumaliutissiissutaani inassuteqaatit saqqummiunneqartut tamatuma allanngortinngikkai.

4. Ataatsimiititaliap inassuteqaatai

Ataatsimiititaliami amerlanerussuteqartut Siumup, Atassutip Demokratillu ilaasortaataasa inatsisissatut siunnersuutip aappassaaneernejarnermini iluserisamisut iluseqartup akuerineqarnissaa inassutigaat, Demokratiniilli ajuusaarutigineqarpoq piffissap atuinissamut akuersissuteqarfiusup sivilunerpaamik ukiunut 60-inut killilernejarnissaanik Demokratit kaammattuutaat Naalakkersuisunit malinneqarsimangimmat.

Ataatsimiititaliami ikinnerussuteqartup Inuit Ataqatigiit ilaasortaataata siunnersuut itigartippaa.

1. juni 2014


UPA2014/139

Taama oqaaseqarluni isumaliutissiissumilu oqaatigineqartutut paasinnilluni ataatsimiititaliap siunnersuut pingajussaaniigassanngortippaa.



Knud Kristiansen

Siulittaasoq



Ruth Heilmann

Siulittaasup tullia



Karl Kristian Kruse



Andreas Uldum



Aqqaluaq B. Egede

UPA2014/139

J.nr. 01.25.01/14FM-LABU-00139

J. nr. 01.36.02.03-00110



**Inatsisartuni Suliffeqarnermut Ataatsimiititaliat
Knud Kristiansen, Ataatsimiititaliani siulittaasoq
/ Maani**

**Isumasioqatigiinnermi aggersaanermut atatillugu akissutit, arfininngorneq
maajip 31-iat.**

31-05-2014
Sags nr. 2014-095698
Dok. nr. 1593354

Ataatsimiititaliap apeqqutai ataani ataasiakkaarlugit issuarneqarput akineqarlutillu.

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: apn@nanoq.gl
www.naalakkersuisut.gl

1. Erngup nukinga atorlugu suliniutinut akileraarutitigut oqilisaasinnaaneq akileraartitsinnginnissarluunniit Alcoap Maniitsumi aluminiumik aatsiterivimmik inissiiniarneranut siursaataassappat?

Aallaqqaasiutigalugu erseqqississavara Naalakkersuisut akileraarnikkut maleruagassanik allannguinnissamik siunnersuutaani pineqarmat eqaatsumik pisumi uanerpiaq immikkorluinnaq periuseqarnikkut aaqqiisinnaanermut periarfissaqartoq.

Naalakkersuisut suli aalajangiingillat periuseq tamanna atorneqassanersoq, aamma Alcoamut tunngatillugu.

Taamaammat siunnersuutip pilersaarusiamut sunniutissai oqaatigisinnaanngilakka. Kisiat oqaatigisinnaavara ataatsimut isigalugu, akileraarutit tungaatigut oqilisaaneq periarfissaappat aningaasaliisunut orniginarnerulissaaq Kalaallit Nunaanni erngup nukiganik pilersitsilersaartunut.

Tulliullugu erseqqissaatigerusuppara akileraarutinut pinngitsoortitaasinnaaneq aalajangiunneqassappat pisinnaatitaasut Naamminersorlutik Oqartussanut qanoq akiliisassanersut. Tassa imaappoq aalajangersimasumik Naamminersorlutik Oqartussanut akiliisussaapput akileraarutinut taarsiullugu.

2. Naalakkersuisut erngup nukinga atorlugu suliniummi akileraaruteqartitsinnginnissamik nalunaaruteqannginnerminni tamanna Inatsisartut Aningaasaqarnermut Akileraartarnermullu Ataatsimiititaliaannut qinnutigeqqaartassagaat ataatsimiititaliamit paasineqarpoq Naalakkersuisut tamanna uppersarsinnaavaat?

Apeqqut aallaavigissagaanni tamakkiisumik eqqortuunngilaq.

Imaappoq akileraarutinut pinngitsoortoqarnissaanut Naalakkersuisut nalunaannginneranni, Inatsisartuniik akuerineqqaartussaapput Aningaasaqarnermut Pilersaarummi nalunaarummik ilanngussinikkut.

Pingaarneq unaavoq Inatsisartut akileraarutiniq pinngitsoortitsisoqarsinnaaneranut taperseereersimassammata Naalakkersuisumit nalunaarutigineqarnissaa sioqqullugu.

3. Erngup nukinga atorlugu suliniummi akileraaruteqartitsinnginnissamik nalunaaruteqartoqartillugu tamatumunnga taarsiullugu Namminersorlutik Oqartussanut akiliuteqartitsisoqartassasoq ataatsimiititaliamit paasineqarpoq. Tamanna Naalakkersuisut uppersarsinnaavaat?

4. Ataatsimiititaliap paasinninnera malillugu akileraaruteqannginnissamik nalunaaruteqaraangat tamatuma peqatigisaanik Namminersorlutik Oqartussanut akiliuteqarnissamik pinngitsoorani piumasaqaateqartoqartarpoq. Taamatut paasinnineq eqqorpa?

Aap, tamanna ilumoorpoq. Allanguutissamik siunnersuummi tamanna takuneqarsinnaavoq:

”Pisinnaatitaasunut Namminersorlutik Oqartussanut akiligassaq aalajangernerani § 11, stk. 4 naapertorlugu, nalunaarutigineqarsinnaavoq pisinnaatitaasoq suliffeqarfik akileraarutitut pinngitsoorsinnaanissaanut.”

5. Aningaasaliisussat nunanit allaneersut Kalaallit Nunaanni erngup nukinganik suiniutinik aallartitsinissamik kissaateqartut aalajangersimasumik isumaqatigiinniartifigineqarnerat tungavigalugu allanguutissatut siunnersuut manna saqqummiunneqarpa?

Siunnersuut aalajangersimasumik pilersaarummut tungaveqanngilaq. Ilumoorpoq Alcoa taannaasoq massakkuutillugu pilersaarusiasumut isumaqatigiinniartoqarsimasoq.

Kisianni erseqqissassavara imermut nukissiorfinnut inatsiseq, inatsisaammat aalajangersakkanik allanik immersugassaq, taamaammat makku inatsisit amma imermut nukissiorfimmuut pilersaaruteqarlutik qinnuteqartunut tamanut atuutissammat.

Nerippunga ataatsimiititaliamik akissutikka inatsisissamik siunnersuut suliareqqinnissaanut naammagineqassasut.

Inussiarnersumik inuulluaqqusillunga

Kim Kielsen